



25249

kat. komp.

Mag. St. Dr.

P

(*Imogulester Matthias Cajus. Bridgort*): Mun-
cius a Carolo Chotkiewiczia - partae
victoriae v. Calend. Sept. 1605.

25249

Biblioteka Jagiellońska



stdr0002965

N V N C I V S,

AVSPICIIS SER^{mi} ET POTEN^{mi}

SIGISMVNDI III
POLONIÆ ET SVECIAE RE-
gis, Magni Lithuaniae Ducis &c.

&c. A CAROLO CHOTKIEVICIO, Praeside
Liunionae, & Praefecto Samogitiae, atq; Supremo Ma-
gni Duc: Lith: Generali, cum Carolo Duce Suder-
maniae S. R. M. Perduelli, commissi praelij, par-
teq; Victoriae V. Calend: Septemb:

Anno Dñi M. DC. V.



Per G. Massiam Smoguleckij, Captum Bid-
goffien edito.

CRACOVIAE,


In Officina Nicolai Scharffenbergeri, Anno Dñi,

1605.





*Per Althian Sargolechj . . . Capit. Gidgorthen. Cit.
Si gismar. dñi. fcl. fcl. Svecq. Regi. Dñi. suo. Clementis. Porrety*

 **LASSE CAROLI AD DINAMUNTUM** à Mansfeldio, qui in ea curabat, adacta militēq; exposito, Chotkieuicius Præses Liuonię, qui per id tēpus ad Derpatum cum exercitu agebat, selectis duobus millibus & quadringentis equitibus, peditibus mille, quam expeditissimo agmine, relictis in castris impedimentis, iter Dinamuntum versus intendit, nulla mora obsessis suppetias laturus. Aduenienti Volmariā certissimis Nunciis perfertur alterum Caroli Ducem Linderfonium, cum quinque millibus Reualia profectum ad Mansfeldium tendere, vires coniuncturum. Itaque qui prius Dinamuntum cogitabat, proximè Felinum flectit iter, compendio viarum & celeritate Linderfonio præuersurus, & carptim potiùs cum singulis, quàm cum omnibus in vnum collatis viribus, manus conferturus, si quis casus opportunitatem rei benè gerēde attulisset. Nec omninò frustra fuit. Nam cum medio ferè inter Felinum & Parnauiam spacio, in conspectum venissent. instruxere ytrinq; acies, leuèque certamine, ad

ne, ad experimētum virium propè ducentos Linder-
sonius desiderauit. Quo animaduerso territus, præ-
lio noluit decernere, metatisq; ad vicum Fikelmoy-
za castris, loci se ingenio tuebatur. Inter hæc Caro-
lum ipsum, nulla prius fama aduenturi percepta, &
vnâ Ducem Luneburgensem armatorumq; cum iis
non paruum numerum Parnauia appulisse certior fit
Chotkieuicius, qui cum sæpius adequitando castris,
atque lacescendo, nulla ratione posset Linderfoni-
um ad æquam prælii conditionem elicere, Felinum
rediit. Ibi firmo imposito præsidio, Rigam propius
admouendi exercitus, consilia agitabat, vt ex propin-
quo magis ciuitatis animos confirmaret, & tempus
duceret, quoad è Lituania auxilia conuenirent, nisi
cogeret extrema necessitas, nequaquam extremi pe-
riculi temerè aleam iacturus. Carolus coniunctis
cum Linderfonio copiis, littus maris legens in præ-
dio rustico Saltzmoyza dicto substiterat, capto ido-
neo castris loco. Cognitâq; ab exploratoribus, tum
& ex captiuis Regii exercitus paucitate, ad perse-
quendum & oppugnandum erigebatur, impleto ve-
hementer ea fiducia animo. Quod cum intellectum
esset, ne hostis pedite validus, iniquis & impedi-
tis locis, equitatum occuparet, traiecit Gavia Chot-
kieuicius, nec ita procul Vendâ, patentibus campis
castra fossa iacta, & opere egregio cōmunit, motus
hostium

hostium obseruaturus, vt aut inuaderet, si fortè sequi
vellent in traiectu fluminis impedites, aut prout res
tulissēt, quidpiam aliud ab ingenio mutuaturus, quo
numero multis partibus inferior, arte vires subleua-
ret. Verum enimuerò Carolus cōmutata tota con-
siliij ratione, motis à Saltzmoyza castris Rigam ver-
sus rapit exercitum, eo animo, vt quàm primùm se
Mansfeldio cōiunxisset, auerso itinere, Regiis nihil
moratus totis viribus occurreret. Promouet quoq;
suos Chotkieuicius rectā ad Dunam flumen præter
Iskielium aliquot supra Rigam milliaribus, atque in
ipsa fluminis ripa consistit. Contractis Caro'us co-
piis quatuordecem millia explebat, maxima pars pe-
regrini militis, quos studio quorundam solito, plu-
res exciuerat, cum primis verò demortui Hoduni
Magni Moschouię Ducis opibus adiutus, infesti Po-
lonis, ob susceptum in fidem & patrocinium Deme-
trium, qui nunc rerū in Moschouia potitur. Quare
nil vltra cunctandū ratus, V. Calend: Septēb: prima
luce aduersa ad Kircholmū castra opponit, acies in-
struit, infestsis opportunis pediti collibus, interce-
dente latè patētis campi planicie, haud paruo ab Re-
giis interuallo, qui ocius quoque viso hoste, aciem
secundum flumen explicuere. Cōmodum in procin-
ctu erant, directis vtrinque aciebus cum Fridericus
Dux Curlandiæ, trans Dunam comparet, trecentis e-
quitibus

quitibus ex nobilitate Curlandica comitatus, fidem
studiumq; suum Regiæ Maiestati, atq; Reipub: tam
necessario tempore probaturus; cūq; spem nullam
vadi magnitudo fluminis faceret, obfirmatis ad om-
ne periculum animis, dum nando transitum parant,
adactis in flumen equis in vadum casu illati (res pro-
pè in miraculum versâ) nulla eius ante etiam à peri-
tissimis locorum habita notitia traiecere incolumes
nemine desiderato. Interea multis vtrinq; extra or-
dinem procurrentibus velitando certabatur, alter-
nante quidem casus fortuna, plerumq; tamen magis
prosperi Regionum successus futuri certaminis omē
erant. Ad meridiem iam vergente die Chotkieuici-
us multis de causis, quas operæ præcium non est cō-
memorare, non minus in mora, quam in pugna peri-
culi reputans, necessario vniuersæ dimicationis di-
scrimen aditurus, vt consternationis simulatione in-
escata audacia hostem superioribus, & cliuosis locis
detraheret, magno derepente tumultu velites spe-
cie fugientium retrahi imperat, admonitis prius suis
studio id fieri, ne quid ignaris res inopina terroris
obiiceret. Nec secus quàm fore coniecerat, accidit;
trepidationis id non artis ratus Carolus instat vt ar-
bitratur percussis, & procul ab eo, quem primum
ceperat loco in plana instructo exercitu descendit,
vndecim to. mentis aciem præcedentibus. Proximè
phalanx

phalanx sequebatur, contis ferro rigentibus horrida, fistulatoribus qui fistulas maiores siue sclopetos exercent, Musketos vulgo vocant, circumfulis. Equitatus in cornibus: In sinistro maxima pars, quæ hostis à tergo circumueniendi, conferta pugna, mandata acceperat, reliquum in dextro, & subsidiis locat. Contra à Chotkieuicio triplici agmine directæ acies, minutis sed crebris, & opportunis subsidiis, pro ea quam habebat copia. Turmam suam prætorianam, equites hastatos trecentos, notæ & spectatæ pleròsque fortitudinis viros à viro lectos dices, in fronte constituit, Ducis Friderici auxiliariis Curlandis adiunctis sperans, vt se principia dedissent erectis suorum, imminutis hostium animis, ita & extrema cessura. Dextrum cornu Ioanni Sapiehe attribuit diligenter admonito, vt ex aduerso, ab leuo cornu conatus, equitatus hostilis etiam atque etiam obseruaret. Sinistro, Thomas Dambrovva præerat. Ventus à mari obliquus perflabat, vtrisq; haud magnopere incòmodus. Sub hæc vultu ipso iã dudum pleno Martij vigoris alacritate, bona spe impletis, studiòq; pugnae accèsis militibus, verbis etiam cohortatur, vt se numero quidem inferiores, sed causa longè superiores reputarent, iam iã summū ac præpotentem iudicem, secundū æquitatem decreturum, agerent modò, & asfererent contra perduellem Regis sui cau-

ſam vindices Diuinæ iuſtitia electi, & cum de laude
& gloria cogitarent, intercluſi vndique & armis & a-
quis, in numinis ope & dextris, vnicam quoq; ſpem
expediendę ſalutis meminiffent. Tormenta poſthæc
exonerari iubet. Tum ab vniuerſis conſono, ac con-
gruenti clamore ſacroſancto nomine I E S V ſæpius
iterato in vicem cæleſtis amuleti, primùm prætoria-
nę turmæ equites, pro Præfecto Vincentio Woyna
regente, ſubmiſſis ſubſidio Curlandis, equis concitatiſſimis, magno impetu in phalangem incurrerunt.
Repugnanti ac renitenti ingenti conatu, obſtinatæq;
in veſtigio mori, ordo tamē nō diu cōſtitit. Dambro
vva cum turmalibus ſuis, cū paululū auerſus pro-
curiſſet, increbrefcentis auræ opportunitate vlurus
reflexis repente equis, ab latere aperto, impulſo de-
xtro Caroli cornu, vt ſemel impetum ceperat, quā
latè petebant perrupit agmina hoſtium, dans cædes
& ſtragem. Permiſta prælia erant, cælūmq; nubilum,
fragor tormentorum ac lituorum concurſatio, incerta
omnia faciebāt, cum eques, ab leuo cornu Caroli
ex cōſtituto ad circumueniendos Regios, coortus,
intento in eam curam impigrēq; occurrente Sapiēha
loco motus, pulſusq; ingentem omnibus terrorem
intulit. . Quatuor propē horis hinc virtute, iſthinc
multitudine prægrauante, ambiguo Marte certatum
nequicquam pluries redintegratis Ordinibus incli-
nare

nare paulatim hostilis acies, ad extremū, non pugna, sed trucidatio secuta. Cæsa ferme nouem millia, præter fluminibus haustos aut in fuga ab agrestibus trucidatos. Interfecti Dux Fridericus Brusuicen: & Lüneburgēsis, atq; Andreas Linderfonius penes quem summa Imperii militaris erat. De Mansfeldio, è sociis classiariis transfuga, ad Gauam multò sanguine fædatum vidisse, verò an falsò referebat. Castra capta, tormenta vndecem, signa militaria ad sexaginta, captiui propè quingenti. Ipse Carolus inter tumultum saucius effugit. Ex victoribus centum desiderati, vulneratorum, maior numerus. In his Theodorus Lacki multa militaris fortitudinis decora numerans, fortunis, & spiritu ipso libenter patriæ semper impenso, benè merendi de ea, quàm viuendi auidior. Equi plurimi glandibus ferreis traiectioni, aut contis suffossi.

Nuncio victoriæ Cracouiam Idibus Octob: allato, magna q; omnium læticia excepto, redditæ Deo præpotenti gratiæ, & pro ea, qua est pietate à Regia M^{te} adorata sacratæ Religionis Diui Stanislai caluaria, cuius tutela & patrocinio Polonia continetur; cum videlicet ipso Translationi eius dicato die, victoria parta, ipsi etiam merito, secundum Deum accepta, referatur.

SOLI DEO GLORIA.

1711
Eiusdem Grafi Dr. Mathiae Langenbachii Capitanei Regis
Frater est Urs et Haues Irah: inuolutus in inuolutis et
Golauja v. v. Cuius filii duo Iohannes et Mathias in Academia
Cracouica et in Collegio Lubanico subsidia continuabant.

BIBLIOTHECA



JAGIELLOŃSKI

Soli Deo Gloria

